

八寨縣志稿卷四

營建 公署公所

公署者一方之表率萬民之觀瞻也若雕墻峻宇則侈靡傷財茅茨土塔則狹隘鄙陋古之人幾經營度始得其中蒞斯土居斯署者類皆能遵垂裳之訓凜守土之義觀重堂庇蔭及思所以達民隱舉凡風雨晦明皆存饑溺包與不愧屋漏職思其居也故雖不能媲美大邑雄都亦具長治久安之象矣

縣署 卽前清同知署在鼓樓坡之下治城北街乾隆十二年創建成豐五年苗叛變被焚同治十年同知葉正邦復創建十三年同知劉垂祺繼續修整委員余昌期監督工程完竣計先後修復者頭門三間二門三間左斜房四間右差房三間待質所一間大堂五間二堂五間甬道三間左三間廚房二間東西轅門各一間左右鼓樂亭各一間蕭曹祠

八寨縣志稿卷四

營建

貴陽文通書局代印

土地祠各一間倉廩二所男監二女監一卒房一獄神祠一共四十六間光緒中葉傾圮幾半復經同知吳光鑾修葺完善宣統三年同知王孔鑄就署西廢倉建用拙齋四間民國元年改建縣知事公署現近年地方多故縣知事來去不常不暇修整大堂則已歪斜頭門二堂幾不蔽風雨十八年知事郭輔相到任將頭門二堂修整乃可居住又將大堂葺正乃壯觀瞻其餘均倒塌不堪尙待修理惟監獄尙稱完善二十年縣長蔣惠溥復將二門五間葺正裝修由頭門起直至大堂一律培修完善加以油漆規模大具卽以公安局保衛團分設於二門外之左右其大堂下之左廂則位置爲經征處財政局辦公地點對面卽爲監獄焉

遊擊署 在城內東街前清乾隆時建咸豐五年苗叛被焚光緒二年遊擊景春林修復共四十餘間宣統二年遊擊移駐都勻其署遂廢民國二年知事陳時濟改設高等小學校隨時修葺已非舊觀十四年滇軍過境

居住城中二月有餘人民被其搜括不堪其苦遂盡逃避該軍以諸事均無接濟即將署柱壁折作柴薪瓦片無存

學官署 在城內東街前清道光時建咸豐五年苗叛被焚肅清後迄未修復學官借住龍泉書院即今之女學校民國六年變賣官產其基址亦已拍賣與唐姓矣

龍泉書院 前清道光二十三年建設治城西門內咸豐五年燬同治十三年重建於北門頭門五間山斗堂五間左右廂房各三間後正房四間廚房一間共計二十一間現今改爲第一兩級女子小學校房屋僅共存一十一間

八寨衛千總署 在城北平夷堡距城二十里清乾隆時建咸豐五年苗叛被焚同治十三年千總林耀堂修復計八間光緒十年燬於火十二年千總李良益修復頭門一間大堂二間正房四間廂房二間廚房一間共

八寨縣志稿卷四

營建

一一

貴陽文通書局代印

計十間宣統三年衛千總裁撤其署遂廢民國六年變賣公產其署屋基址均已標價拍賣與杜姓改屋居住矣

九門汛千總署 在城東北南皋場距城七十里本署建自何時無從查考咸豐五年苗叛被焚肅清後迄未修復歷任千總均租賃民屋辦公其基址四至亦無從查考

得祿汛把總署 在城西得祿汛距城二十里本署建自何時無從查考咸豐五年苗叛被焚肅清後迄未修復歷任把總均租賃民屋辦公基址亦已無存

善後局公所 在治城大中街咸豐時苗叛肅清後建設以辦理一切善後事務者原建瓦屋三間民國八年燬於火旋即由地方修復改作公安局十七年裁撤公安局後現分設教育局建設局於其中

按清時八寨原轄有四長官司承襲後各就私宅辦公不在官署之列

團務總局 本城團務局前清光緒二年買民房三間在城內大中街辦公歷久未修不蔽風雨民國四年移設關岳廟內

桑區 在治城東門外距城五里地名大坪民國六年建置房屋四間爲辦理桑務公所桑地約二百餘畝現今房屋無存

教育局 在治城內大中街卽前清善後總局現在房屋三間廚房二間經費局 附設知事署二門內左廂房中現今改爲財政局

建設局 在治城內大中街卽前清善後總局與教育局同住

按縣屬公所前清咸豐以前設有養濟院一所共計房屋十二間肅清後迄未修復至光緒末葉同知馬楨任內舉人歐陽朝相提倡募捐造屋三間在治城西南隅龍井邊

按縣署就前清同知署改設大致仍舊大堂二堂現已歪斜倉廩及廚室盡毀蕭曹土地二祠改設警察民國三年知事唐萬鍾於用拙齋前

修建涼亭一座四年知事李竹溪改修監獄較前完善二門內左廂附設經征所暨財政局